



საქართველოს მთავრობის

დადგენილება

N647 2015 წლის 25 დეკემბერი ქ. თბილისი

„სოციალური რეაბილიტაციისა და ბავშვზე ზრუნვის“ 2016 წლის სახელმწიფო პროგრამის დამტკიცებამდე და ამ პროგრამით „სახელმწიფო შესყიდვების შესახებ“ საქართველოს კანონის მოთხოვნათა შესრულებამდე ან ვაუჩერის პირობების შესაბამისად, 2015 წლის შესაბამისი პროგრამით გათვალისწინებული ზოგიერთი ქვეპროგრამის (კომპონენტის, ღონისძიების) უწყვეტი განხორციელებისათვის საჭირო დაფინანსების წყაროსა და პირობების განსაზღვრის შესახებ

მუხლი 1. „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის მე-5 მუხლისა და „საქართველოს 2016 წლის სახელმწიფო ბიუჯეტის შესახებ“ საქართველოს კანონის 28-ე მუხლის მე-6, მე-7 და მე-8 პუნქტების შესაბამისად:

1. 2016 წლის „სოციალური რეაბილიტაციისა და ბავშვზე ზრუნვის“ სახელმწიფო პროგრამის დამტკიცებამდე და ამ პროგრამის ფარგლებში „სახელმწიფო შესყიდვების შესახებ“ საქართველოს კანონის მოთხოვნათა შესრულებამდე ან ვაუჩერის პირობების შესაბამისად, გაგრძელდეს „სოციალური რეაბილიტაციისა და ბავშვზე ზრუნვის 2015 წლის სახელმწიფო

პროგრამის დამტკიცების შესახებ“ საქართველოს მთავრობის 2015 წლის 30 მარტის №138 დადგენილებით (შემდგომში – საქართველოს მთავრობის 2015 წლის 30 მარტის №138 დადგენილება) დამტკიცებული 2015 წლის შესაბამისი პროგრამებით გათვალისწინებული ზოგიერთი ქვეპროგრამა (კომპონენტი, ღონისძიება), ამ დადგენილებისა და თანდართული დანართის შესაბამისად.

2. საქართველოს შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებულმა საჯარო სამართლის იურიდიულმა პირმა – სოციალური მომსახურების სააგენტომ (შემდგომში – სააგენტო) უზრუნველყოს 2016 წლის 1 იანვრიდან საქართველოს მთავრობის 2015 წლის 30 მარტის №138 დადგენილებით დამტკიცებული 2015 წლის სახელმწიფო პროგრამის ქვემოთ ჩამოთვლილი ქვეპროგრამების (კომპონენტი, ღონისძიება) უწყვეტად განხორციელება, ხელშეკრულების გაფორმება ან მოქმედების ვადის გაგრძელება იმავე მიმწოდებლებთან, რომლებიც ახორციელებდნენ საქართველოს მთავრობის 2015 წლის 30 მარტის №138 დადგენილებით დამტკიცებული 2015 წლის სახელმწიფო პროგრამის შესაბამის ქვეპროგრამებს (კომპონენტს, ღონისძიებებს). ამასთან, შესაბამისი ქვეპროგრამებით გათვალისწინებული ღონისძიებების დაფინანსების წყაროდ განისაზღვროს „საქართველოს 2016 წლის სახელმწიფო ბიუჯეტის შესახებ“ საქართველოს კანონის „სოციალური რეაბილიტაცია და ბავშვზე ზრუნვა“ პროგრამა (პროგრამული კოდი – 35 02 03), ხოლო თანხის ყოველთვიური მოცულობა განისაზღვროს:

ა) „ბავშვთა ადრეული განვითარების ქვეპროგრამის“ შემთხვევაში, არა უმეტეს 70 000 ლარით;

ბ) „ბავშვთა რეაბილიტაციის/აბილიტაციის ქვეპროგრამის“ შემთხვევაში, არა უმეტეს 132 440 ლარით;

გ) „დღის ცენტრების ქვეპროგრამის“ შემთხვევაში, არა უმეტეს 305 000 ლარით;

დ) „დამხმარე საშუალებებით უზრუნველყოფის ქვეპროგრამის“:

დ.ა) „სავარძელ-ეტლებით უზრუნველყოფისა და შშმ პირთა დასაქმების ხელშეწყობის კომპონენტის“ შემთხვევაში, მექანიკური სავარძელ-ეტლებისთვის არა უმეტეს 30 000 ლარით;

დ.ბ) „საპროთეზო-ორთოპედიული საშუალებებით უზრუნველყოფის კომპონენტის“ შემთხვევაში“, არა უმეტეს 80 000 ლარით;

დ.გ) „კოხლეარული იმპლანტით უზრუნველყოფის კომპონენტის“ შემთხვევაში, არა უმეტეს 17 000 ლარით. ამასთან, წინა წლების სახელმწიფო პროგრამ(ებ)ის ფარგლებში შესყიდული კოხლეარული იმპლანტების მორგება-რეგულირებისა და ლოგოპედის (მეტყველების თერაპევტის) მომსახურება, რომლის გაწევა ვერ მოესწრება 2016 წლის 1 იანვრამდე პერიოდში, გაგრძელდეს უწყვეტად. ამასთან, იმ ბენეფიციართათვის, რომელთა მიმართ ზემოაღნიშნული მომსახურების განხორციელება დაწყებულია წინა წლის/წლების სახელმწიფო პროგრამის ფარგლებში და არ არის დასრულებული 2016 წლის 1 იანვრისთვის, სარეაბილიტაციო კურსის (მეტყველების თერაპევტის მომსახურების) რაოდენობა განისაზღვრება უკვე მიღებული მომსახურების რაოდენობის გამოკლებით;

ე) „ყრუთა კომუნიკაციის ხელშეწყობის ქვეპროგრამის“ შემთხვევაში, არა უმეტეს 4 000 ლარით;

ვ) „დედათა და ბავშვთა თავშესაფრით უზრუნველყოფის ქვეპროგრამის“ შემთხვევაში, არა უმეტეს 38 000 ლარით;

ზ) „მინდობით აღზრდის ქვეპროგრამის“ შემთხვევაში, არა უმეტეს 550 000 ლარით;

თ) „მცირე საოჯახო ტიპის სახლების ქვეპროგრამის“ შემთხვევაში, არა უმეტეს 200 000 ლარით;

ი) „მიუსაფარ ბავშვთა თავშესაფრით უზრუნველყოფის ქვეპროგრამის“ შემთხვევაში არა უმეტეს 60 000 ლარით;

კ) „სათემო ორგანიზაციების ქვეპროგრამის“ შემთხვევაში, არა უმეტეს 89 000 ლარით;

ლ) „კრიზისულ მდგომარეობაში მყოფი ბავშვიანი ოჯახების გადაუდებელი დახმარების ქვეპროგრამის“ შემთხვევაში, არა უმეტეს 145 000 ლარით. ამასთან, 2015 წელს ამ ქვეპროგრამის ფარგლებში შესყიდული საქონლის (მომსახურების) ბენეფიციარებისთვის მიწოდება გაგრძელდეს 2016 წელს;

მ) „მძიმე და ღრმა გონებრივი განვითარების შეფერხების მქონე ბავშვთა ბინაზე მოვლის ქვეპროგრამის“ შემთხვევაში, არა უმეტეს 9 000 ლარით.

3. სააგენტომ უზრუნველყოს 2016 წლის პროგრამისთვის გათვალისწინებული ასიგნებების ფარგლებში საქართველოს მთავრობის 2015 წლის 30 მარტის №138 დადგენილებით დამტკიცებული 2015 წლის სახელმწიფო პროგრამის „მინდობით აღზრდის ქვეპროგრამით“ გათვალისწინებული მომსახურების ღირებულების ანაზღაურება, რომლის ანაზღაურება 2015 წლის 30 მარტის №138 დადგენილებით დამტკიცებული 2015 წლის სახელმწიფო პროგრამის დაფინანსების პირობათა გათვალისწინებით ვერ განხორციელდება 2015 წლის ამოწურვამდე.

მუხლი 2. დადგენილება ამოქმედდეს „საქართველოს 2016 წლის სახელმწიფო ბიუჯეტის შესახებ“ საქართველოს კანონის ამოქმედებისთანავე.

პრემიერ-მინისტრის

მოვალეობის შემსრულებელი

  ირაკლი ღარიბაშვილი

დანართი №1

2015 წელს დაფინანსების წყარო		2016 წელს დაფინანსების წყარო	
პროგრამული კოდი	„საქართველოს 2015 წლის სახელმწიფო ბიუჯეტის შესახებ“ საქართველოს კანონი	პროგრამული კოდი	„საქართველოს 2016 წლის სახელმწიფო ბიუჯეტის შესახებ“ საქართველოს კანონი
35 02 03	სოციალური რეაბილიტაცია და ბავშვზე ზრუნვა	35 02 03	სოციალური რეაბილიტაცია და ბავშვზე ზრუნვა